

Հաշվետվություն

2025 թվականի հունիսի 23-ից 25-ը Բելգիայի Թագավորություն (Բրյուսել)
կատարած գործուղման արդյունքների մասին

1. Անունը, ազգանունը, զբաղեցրած պաշտոնը

Նանե Ղազարյան, Կադաստրի կոմիտեի ղեկավարի տեղակալ,
Ռուզաննա Խաչատրյան, Կադաստրի կոմիտեի ղեկավարի օգնական

2. Գործուղման վայրը և ժամկետները.

Բրյուսել, հունիսի 23-ից 25-ը:

3. Հրավիրող կողմը.

ՄԱԿ-ի գլոբալ երկրատարածական տեղեկատվության կառավարման հարցերով
փորձագետների Եվրոպայի տարածաշրջանային կոմիտե (UN-GGIM: Europe):

4. Գործուղման նպատակը (աշխատանքային ո՞ր խնդրի լուծման համար էր նախատեսված գործուղումը).

Մասնակցություն ՄԱԿ-ի գլոբալ երկրատարածական տեղեկատվության
կառավարման հարցերով փորձագետների Եվրոպայի տարածաշրջանային
կոմիտեի (UN-GGIM: Europe) 12-րդ լիագումար նստաշրջանին:

5. Քննարկված թեմաները.

Միջոցառման շրջանակում քննարկվել են փորձագետների կոմիտեի ընդհանուր
ծրագրի և տարածաշրջանային կոմիտեի պաշտոնական գործունեությանը
վերաբերող հարցեր: Մասնավորապես անդրադարձ է կատարվել առկա գլոբալ
մարտահրավերների լուծման նպատակով երկրատարածական տվյալների և
ծառայությունների կիրառմանը, ներկայացվել են ազգային վիճակագրական
մարմինների և ազգային քարտեզագրման, կադաստրային և հողային գրանցման
մարմինների գործունեության ռազմավարական ուղղությունների և ակնկալվող
ապագա միտումների վերաբերյալ շնորհանդեսներ: Անդրադարձ է կատարվել նաև
Երկրատարածական տեղեկատվության գլոբալ կառավարման հարցերով ՄԱԿ-ի
փորձագետների կոմիտեի Կենտրոնների (Գլոբալ աշխարհատարածական
էկոհամակարգի առաջադեմ տեխնոլոգիաների կենտրոն, Գլոբալ գեոդեզիական
առաջադեմ տեխնոլոգիաների կենտրոն, Գլոբալ աշխարհատարածական գիտելիքի
և նորարարության կենտրոն) գործունեությանը:

6. Հանդիպումները, ելույթները, բարձրացված կամ քննարկված հարցերը.

Օրակարգի «Դիմակայություն» թեմայի շրջանակում քննարկումներ են ծավալել
հետևյալ հարցերի շուրջ:

- Թվային էկոհամակարգեր
- Տեխնոլոգիական նորարարություններ (արհեստական բանականություն և այլն)
- Քաղաքականության շրջանակներ
- Ճշգրիտ տարածական տվյալներ
- Վստահելի վիճակագրական տվյալներ:

Ներկայացվել է օրակարգի «Վստահելի տվյալներ - երկրատարածական տվյալներ» թեմային առնչվող՝ «Հայաստանի ուղին դեպի Ազգային տարածական տվյալների ենթակառուցվածքի ձևավորում» վերնագրով շնորհանդեսը:

7. Հանդիպման կամ հավաքի ժամանակ ընդունված որոշումները, պայմանավորվածությունները, ստորագրված փաստաթղթերը.

Մասնակիցներին է ներկայացվել փորձագետների Եվրոպայի տարածաշրջանային կոմիտեի գործունեության զեկույցը, նախորդ նստաշրջանի ընթացքում թարմացված աշխատանքային ծրագրի իրականացման ընթացքը, գրանցված արդյունքները, նախանշվել են հաջորդ տարիների գործունեության ուղղությունները՝ հիմնված առկա առաջնահերթությունների վրա: Նշանակվել են կոմիտեի գործադիր մարմնի նոր անդամներ:

8. Առաջարկությունները, դրանց ընթացք տալու վերաբերյալ առաջարկները՝ եղանակը, ձևը, ժամկետները, պատասխանատուները, ակնկալվող արդյունքները.

9. Ստորագրությունը, ամսաթիվը:

Նանե Ղազարյան
Ռուզաննա Խաչատրյան



30.06.2025 թ.